

Na osnovu člana 8. stav (1) i člana 13. stav (1) i stav (2) tačka 18) Zakona o principima lokalne samouprave u FBiH ("Službene novine FBiH", br. 49/06 i 51/09) i člana 19. stav (1) tačka 4), člana 141. stav (1) i stav (2) i člana 142. stav (1) tačka 5) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), Općinsko vijeće Novo Sarajevo, na __ sjednici, održanoj dana __. __. 2021. godine, donosi

Prijedlog

ODLUKU
o proglašenju
udruženja "Obrazovanje gradi Bosnu i Hercegovinu"
od javnog interesa za Općinu Novo Sarajevo

Član 1.
(Predmet)

Ovom Odlukom, udruženje "Obrazovanje gradi Bosnu i Hercegovinu" sa sjedištem u ulici Dobojska broj 4, Sarajevo, proglašava se udruženjem od javnog interesa za Općinu Novo Sarajevo (u daljem tekstu: Općina).

Član 2.
(Djelatnost)

Udruženje "Obrazovanje gradi Bosnu i Hercegovinu", prepoznato je od strane Općine kao nevladina organizacija koja pruža dodatnu podršku obrazovnom i humanitarnom djelovanju u državi Bosni i Hercegovini, a čije je sjedište na području Općine.

Član 3.
(Načini ostvarivanja javnog interesa)

Javni interes, iz člana 1. ove Odluke, ostvarivat će se davanjem podrške programskim ciljevima i misiji udruženja "Obrazovanje gradi Bosnu i Hercegovinu", kao i na druge prigodne načine (partnerstvo u zajedničkim manifestacijama vezano za djecu i mlade sa područja Općine, i sl), kroz obezbijedenje finansijskih sredstava u Budžetu Općine, u skladu sa mogućnostima.

Član 4.
(Prestanak javnog interesa)

Općinsko vijeće na prijedlog Općinskog načelnika može utvrditi prestanak javnog interesa, iz člana 1. ove Odluke.

Član 5.
(Realizacija)

Za realizaciju ove Odluke zadužuje se Općinski načelnik.

Član 6.
(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se od 2022. godine.

Broj:
Sarajevo, __. __. 2021. godine

Predsjedavajući
Općinskog vijeća
Novo Sarajevo
Robert Pleše, s. r.

OBRAZLOŽENJE

I – PRAVNI OSNOV

Pravni osnov za donošenje ove Odluke, nalazi se u članu 8. stav (1) i članu 13. stav (1) i stav (2) tačka 18) Zakona o principima lokalne samouprave u FBiH ("Službene novine FBiH", br. 49/06 i 51/09) i članu 19. stav (1) tačka 4), članu 141. stav (1) i stav (2) i članu 142. stav (1) tačka 5) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka).

II – RAZLOZI ZA DONOŠENJE

Udruženje "Obrazovanje gradi Bosnu i Hercegovinu", osnovano je 1994. godine i nikada nije prestalo sa radom, svoje programske ciljeve i misiju, ostvaruje na području cijele države Bosne i Hercegovine. Udruženje predstavlja pozitivan primjer uspješnog rada nevladinog sektora, posebno u segmentu obrazovanja i stipendiranja mladih, humanitarnog rada, altruizma i podrške osjetljivim kategorijama stanovništva.

Kroz različite programe i projekte Udruženja, prošlo je nekoliko hiljada stipendista i korisnika, te je takvim rezultatima rada, opravdalo svoju ulogu i izgradilo povjerenje kod javnosti i zato je prepoznato kao udruženje koje zaslužuje posebnu pažnju i podršku, zbog čega treba biti proglašeno udruženjem od javnog interesa za ovu lokalnu zajednicu, obzirom da je podršku ovog Udruženja dobilo i dobija veliki broj korisnika sa područja Općine Novo Sarajevo.

Udruženje svoje sjedište ima na području Općine Novo Sarajevo.

III – FINANSIJSKA SREDSTVA

Za realizaciju ove Odluke, potrebna su dodatna finansijska sredstva, koja će se u skladu sa finansijskim mogućnostima Općine Novo Sarajevo, planirati u Budžetu Općine Novo Sarajevo.

Predlaže se Općinskom vijeću Novo Sarajevo, da usvoji ovu Odluku.

OPĆINSKI NAČELNIK

Dr. Hasan Tanović